



Sofia Geisler  
Inatsisartunut ilaasortaq, Inuit Ataqtigiit

**§ 37 tunngavigalugu apeqqutinut nr. 316-imiittunut akissutit – ilinniartut ineqarfiinik maanna pisariaqartitsineq ineqarnermullu tapiissutinut aningaasartuutit pillugit**

17-10-2019  
Suliap normua  
Allakkat nr. 10941081

Asasara Sofia Geisler,

Postboks 1029  
3900 Nuuk  
Oqarasuaat : +299 34 50 00  
Email: ikin@nanoq.gl  
www.nanoq.gl

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

*Apeqqut 1: 2018-mi 2019-imi ukiaanerani iliniarfiit aallartinnerannut qinnuteqartut qassit Nuummi atualernissaminnut qinnuteqarpat?*

**Akissut:** 2018-imi ukiaanerani Nuummi iliniarfinnut 1.949-t qinnuteqarpat 2019-imilu ukiaanerani Nuummi iliniarfinnut 1.789-t qinnuteqarpat.

*Apeqqut 2: Qinnuteqartut qassit inissaqannginneq pissutigalugu itigartinneqarpat 2018-imi 2019-imi ukiaanerani?*

**Akissut:** Iliniarfimmi tigusaanissamut ineqartoqariissasoq piumasarineqarneq ajormat aallaaviatigut ilinniartut ineqarfiini inissanik amigaateqarneq tunngavigalugu ilinniarnissamik kissaateqartunut itigartitsisoqarsinnaanngilaq.

Ilinniartitaanermut, Kultureqarnermut Ilageeqarnermullu Naalakkersuisoqarfik ima sukumiitigisumik nalunaarsuineq ajorpoq kisitsisitigut takuneqarsinnaanngorlugu, ilinniartut ineqarfiini inissanik amigaateqarneq pissutigalugu ilinniartut qassit ilinniarnissamut naaggaartariaqarsimanersut. Tamatumani pissutaavoq, ilinniartut iliniarfimmi inissamik taamaatitsisarnerannut pissutsit arlaliusinnaanerit, soorlu iliniarfimmi inissamik allamik neqeroorfigineqarsimaneq, inuttut pissutissaqarneq allanilluunniit pissuteqarneq soorlu najukkamik amigaateqarneq.

*Apeqqut 3: Ilinniartut inissaqartinniarlugit kollegiani inissat qassit Namminersorlutik Oqartussat nammineq ingerlataasa avataatigut nassaarineqartariaqarsimappat 2018-imi 2019-imilu?*

**Akissut:** Ilinniartut ineqarfiinik attartortarneq ukiut tulleriaarlugit isumaqatigiissusiorfigineqarajuppoq. Taamaattumik ukiup ilinniartitsiffiusup

aallartinnerani ilinniartut ineqarfigisassaannik avataaniit immikkut attartuisoqarneq ajorpoq.

2018-imi ukiumut ilinniartunut 299-inut ilinniartut ineqarfiinik attartuisoqarpoq. Ilinniartitaanermut, Kultureqarnermut Ilageeqarnermullu Naalakkersuisoqarfik suli ukiumi matumani kisitsisinik inaarutaasunik peqanngilaq.

*Apeqqt 4: Nuummi namminerisaminnik iniutillit ilinniartunut inissamik neqerooruteqartut boligsikringimik tapiiffigineqartut ullumikkut qassiuppat?*

**Akissut:** Ilinniartitaanermut, Kultureqarnermut Ilageeqarnermullu Naalakkersuisoqarfik Nuummi namminerisaminnik iniutillit ilinniartunut inissamik / ineeqqamik neqerooruteqartut ineqarnermut tapiissutinik tunineqarsimasut qassiunerat pillugu paasissutissaateqanngilaq, tamanna kommunit susassaqarfianiimmat.

Inussiarnersumik inuulluaqqusillunga

  
Ane Lone Bagger